

EXPTE: 7L/2015 E.L. PLAN PROVINCIAL DE OBRAS E SERVIZOS 2015: OBRA DE:
"REPARACIÓN DA CUBERTA DO CENTRO DE DÍA".

ASUNTO: RESOLUCIÓN DE ADXUDICACIÓN

RESOLUCIÓN DA ALCALDÍA

Vista a proposta do concelleiro de servizos, mantemento, patrimonio e participación cidadá de data 26/06/2015, que a continuación se transcribe:

"Á vista da proposta desta concellería de infraestruturas e obras en funcións de incoación do expediente de contratación das obras de referencia, de data 08/05/2015, que de xeito literal di:

"Concedida a subvención para a execución destas obras, por Resolución da Presidencia da Deputación de Pontevedra de data 04 de maio de 2015.

Aprobado o proxecto técnico das obras de referencia, por Resolución da alcaldía deste concello, o 25/03/2015.

Retido o crédito presupostario, preciso para o financiamento das obras de referencia, nas partidas 23111 / 63200 de acordo ó documento "RC" asinado polo Interventor xeral o 3 de xuño de 2015.

En base ao anterior, **propono:**

Primeiro: Incoar expediente de contratación das obras de "Reparación da cuberta do centro de día municipal", cun orzamento de execución por contrata de **trinta e nove mil oitocentos sesenta e catro con trinta (39.864,30 €)** e cun prazo de execución de un (1) mes.

Segundo: Solicitar á empresa **CERRAXERÍA TORRES C.B.** oferta respecto a execución desta obra e a presentación da documentación necesaria "*****"

Presentada no Rexistro Xeral do Concello de Sanxenxo, a documentación requerida á empresa "CERRAXERÍA TORRES C.B.", en data 15/06/2015 (entrada nº 5930), **esta concellería propón:**

Adxudicar a execución das obras de "Reparación da cuberta do Centro de día", á empresa "Cerraxería Torres C.B.", de acordo á oferta presentada, polo importe de TRINTA E NOVE MIL OITOCENTOS SESENTA E CATRO CON TRINTA (39.864,30) Euros (IVE engadido), e unha duración de UN MES (1)

Nomear director de obra ó arquitecto municipal"*****"

Esta alcaldía, resolve:

Primeiro: Adxudicar a execución das obras de "Reparación da cuberta do Centro de día" á empresa "Cerraxería Torres C.B., S.A.", de acordo á oferta presentada, polo importe de **TRINTA E NOVE MIL OITOCENTOS SESENTA E CATRO CON TRINTA 39.864,30 Euros (con IVE)**, e unha duración de **UN (1) MES**.

Segundo: Aprobar o gasto, con cargo á partida presupostaria **23111/63200** por un importe de **39.567,68 Euros (con IVE)**.

Terceiro: Nomear director de obra ó arquitecto municipal.

Cuarto: *No prazo máximo de quince (15) días hábiles* a contar dende o seguinte ao de notificación desta resolución, **formalizarse en documento administrativo o contrato respectivo**, no que se deberá integrar o prazo de garantía dun ano, a contar dende a data do remate das obras. Ó ser un contrato menor non existe depósito da garantía, porén no suposto de detectarse deficiencias nas obras executadas antes do remate do prazo da garantía o adxudicatario deberá subsanar as deficiencias detectadas polos técnicos municipais. De non ser así esta presidencia aprobará a liquidación correspondente a nome do contratista polo importe das deficiencias existentes na obra, que deberá abonar co fin de que a administración local sufrague estes custos.

Quinto: Unha vez formalizado o contrato e antes do comezo das obras, o contratista elaborará e presentará no Rexistro Xeral do Concello, no prazo de **quince (15) días naturais** dende a firma do contrato, un **Plan de Seguridade e Saúde** na execución da obra, en aplicación do Estudio de Seguridade e Saúde que figura no proxecto de execución da obra e que reunirá os requisitos establecidos no art.7 do R.D. 1627/97, do 24-X, que establece as disposicións mínimas de seguridade e saúde nas obras. O Plan, previamente informado polo Coordinador de Seguridade e Saúde, aprobarase, se procede, pola Presidencia ou concelleiro/a en quen delegue, facéndose constar que sen esta aprobación non poderán comezarse as obras, sendo por conta do contratista calquera responsabilidade derivada da execución das obras sen a aprobación do Plan. Dentro do prazo de **quince (15) días naturais** dende a formalización do contrato o Director procederá, en presenza do contratista, a efectuar a **comprobación do replanteo**, estendéndose acta do resultado que asinarase polas dúas partes, remitíndose un exemplar da mesma ó órgano de contratación.

Dada en Sanxenxo a dous de xullo de dous mil quince.

O alcalde

Gonzalo Gonzalo Pita

ante min, secretario xeral

Ángel Luis López Pita